

#CukupSetakatSamson cetus ilham gotong royong
Astro Awani
7 Mac, 2014

GUA MUSANG: Kempen perangi denggi #CukupSetakatSamson yang dilancarkan oleh Astro AWANI turut mendapat perhatian penduduk di kawasan pedalaman.

Tinjauan Astro AWANI di PPMS Chin-Teck di sini mendapati rata-rata penduduk kampung yang ditemui berkata, setiap anggota masyarakat harus memainkan peranan dalam membanteras wabak tersebut.

Usaha yang dilakukan Astro AWANI membuka mata masyarakat yang selama ini memandang ringan mengenai wabak denggi.

Seorang penduduk PPMS Chin-Teck, Mohammad Ismail berkata, kempen #CukupSetakatSamson membuatkan mereka terpanggil untuk melakukan gotong royong bagi mengelakkan daripada sebarang kehilangan nyawa ekoran denggi.

Penjagaan serta kebersihan di kawasan rumah oleh penduduk setempat juga harus dilakukan secara berterusan, menurut seorang lagi penduduk PPMS tersebut, Ramli Ismail.

“Saya harap ini pengajaran kepada penduduk Chin-Teck untuk berkerjasama dan bergotong royong untuk membersihkan alam sekitar di sekeliling rumah, tayar buruk, takungan air untuk mengelak kematian penduduk disini.” Katanya.

Sehingga 5 Mac lepas, negeri Kelantan mencatatkan peningkatan wabak denggi dengan jumlah 853 kes dan tiga kematian sekaligus membimbangkan penduduk.

Copyright © Astro Awani Network Sdn. Bhd. 2014 (535275-D):.

Source: <http://www.astroawani.com/news/show/cukupsetakatsamson-cetus-ilham-gotong-royong-31393?cp>

